



# Icyegeranyo cy'amakuru y'imikino yaranze icyumweru

2023

Taliki 27- 29 Ukwakira



P.1 Football : Habaye imikino y'umunsi wa 9 wa shampiyona

## Ijambo ry'ibanke

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

P1

**Football :** Habaye imikino y'umunsi wa 9 wa shampiyona

P1

**Kung Fu Wushu :** i Nyagatare habereye imikino y' ijonjora ya shampiyona

P2

**Football :** Hatangijwe shampiyona y'abatarengeje imyaka 20

P2

**Cycling :** Ingabire yegukanye Tour du Burundi 2023

P3

**Volleyball :** Hamenyekanye amakipe agiye guhatanira igikombe cya shampiyona

# 1 Football : Habaye imikino y'umunsi wa 9 wa shampiyona

Taliki 27 kugeza 29 Ukwakira 2023 habaye imikino y'umunsi wa 9 wa shampiyona y'icyiciro cya mbere mu mupira w'amaguru mu bagabo. Imikino y'umunsi wa 10 biteganyijwe ko izaba taliki 03 kugeza 05 Ugushyingo 2023.

## Uko imikino yagenze

### Taliki 27-10-2023

- Gorilla FC 2-3 Marines FC
- Kiyovu 6-1 Etoile de l'Est

### Taliki 28-10-2023

- Mukura 1-0 Etincelles FC
- Gasogi United 0-1 Police FC
- Bugesera FC 2-2 Amagaju FC

### Taliki 29-10-2023

- Sunrise FC 1-2 Muhazi United
- Musanze FC 1-0 AS Kigali
- APR FC 0-0 Rayon Sports

## Urutonde rwa shampiyona 2023-2024

Umwanya	Ikipe	Imikino	Amanota
1	Musanze FC	9	20
2	APR FC	8	18
3	Police FC	8	16
4	Kiyovu	9	15
5	Mukura	9	15
6	Amagaju FC	9	14
7	Rayon Sports	8	13
8	Gasogi United	9	11
9	Muhazi United	9	10
10	Bugesera FC	9	09
11	Gorilla FC	9	09
12	Marines FC	9	09
13	AS Kigali	9	09
14	Etoile de l'Est FC	9	07
15	Etincelles FC	9	07
16	Sunrise FC	8	06



# Kung Fu Wushu : i Nyagatare habereye imikino y' ijonjora ya shampiyona

Taliki 29 Ukwakira 2023, kuri Sitade y'Akarere ka Nyagatare habereye ijonnjora ry'umunsi wa kane muri shampiyona y'igihugu mu mukino nnyarugamba wa Kung Fu Wushu "Rwanda Kungu Fu Wushu Championship 2023".

Muri iri rushanwa hari hitabiriye abakinnyi 35 bari baturutse mu makipe 4 abarizwa mu Ntara y'Iburasirazuba ari yo Lion Kungu FuWushu Nyagatare Club, Black Scorpion Kayonza, Black Eagle Ngoma, Eastern Tigers Rwamagana.

Aba bakinnyi bahatanye mu byiciro bibiri birimo kwiyereka "Taolu" ndetse no kurwana "Sanda".

Mu kurwana "Sanda" hatsinze abakinnyi 5 naho mu kwiyereka "Taolu" hatsinda 15 harimo abagabo 13 n'abagore 2.

Imikino y'amajonjora ya shampiyona biteganyijwe ko izasozwa taliki 05 Ugushyingo 2023 aho izasorezwa mu Ntara y'Amajyaruguru mu Karere ka Gicumbi.

Biteganyijwe ko shampiyona y'igihugu izasozwa hakinwa imikino ya nyuma izahuza abitwaye neza mu Ntara zose. Iyi mikino izabera muri STECOL mu cyanya cyahariwe Inganda i Masoro taliki 12 Ugushyingo 2023.



## Football : Hatangijwe shampiyona y'abatarengeje imyaka 20

Taliki 28 Ukwakira 2023 kuri Sitade Mumena, ubuyobozi bw'ishyirahamwe ry'umupira w'amaguru mu Rwanda "FERWAFA" bwatangije ku mugaragaro amarushanwa y'amakipe y'abatarengeje imyaka 20 mu bahungu.

Ubwo hatangizwazaga iri rushanwa, ikipe ya Kiyovu Sports yakinnye na Vision FC. Perezida wa FERWAFA, Munyantwali Alphonse yagaragaje ko iki gikorwa kigamije guteza imbere impano z'abakiri bato, yizeza ko gahunda yo gufasha abakiri bato izakomeza.



## Cycling : Ingabire yegukanye Tour du Burundi 2023

Ingabire Diane yegukanye isiganwa mpuzamahanga ry'umukino w'amagare mu Bagore ryabereye i Burundi "Tour Cycliste Féminin International du Burundi 2023".

Iri rushanwa ryari ribaye ku nshuro ya 3 ryatangiye taliki 22 risozwa 28 Ukwakira 2023 aho ryari ryitabiriwe n'abakinnyi baturutse mu bihugu 6 ari byo u Burundi, u Rwanda, Benin, Cameroun, RDC na Misiri.

Ku rutonde rusange, Ingabire Diane yabaye uwa mbere akurikirwa na Mukashema Josiane naho ku mwanya wa 3 haza Nirere Xaverine.

Ibihugu uko byakurikiranye, u Rwanda ku mwanya wa mbere, Benin (2), u Burundi (3), Misiri (4), RDC (5) na Cameroun (6).



# Volleyball : Hamenyekanye amakipe agiye guhatanira igikombe cya shampiyona

Taliki 28 Ukwakira 2023 ni bwo habaye imikino ya nyuma ya shampiyona y'icyiciro cya mbere mu mukino wa Volleyball mu bagabo n'abagore.

Nyuma y'iyi mikino habemenyekanye amakipe 4 muri buri cyiciro agiye gukina imikino ya kamarampaka "Playoffs" iteganyijwe taliki 04 na 05 Ugushyingo 2023, ikipe izitwara neza akaba ari yo izegukana igikombe cya shampiyona. Aya makipe ni Gisagara VC, APR VC, REG VC na Police VC mu bagabo ndetse na APR VC, RRA VC, Police VC na Ruhango VC mu bagore.

Uko imikino yagenze n'uko amakipe yakurikiranye





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave